

吾廬詩稿

春霖署



元通市圖書館

温州市图书馆

吾廬詩稿下卷

棗強步其誥

徐州道中

乙卯

秦岱千峯擁淮河眾水韜將軍屯細柳

張巡閱使時  
駐軍徐州

蕃使送蒲萄燈火村容肅星辰夜色高東南此綰轂

從事仗賢勞

汜車上過滁州

過眼滁州道環滁秀萬重同行一兩客急望西南峯



林翳禽聲樂泉香酒味醲醉翁昔醉處想像有遺蹤

金陵襍感八首

民國初元金陵再劫兵燹餘痕在在皆是古人於素所流連慨

慕之地思其盛而不見或更有所惕於將來每發為吟詠藉誌一時之感詩各為章襍錄

於左偶亦自注數語以當本詩之題目云

半回春色半猶蕪歷歷昆明再劫圖掠影烏衣纔又

到飛文頽壤舊誰糊江聲今古天為塹人事興亡帝

者都三國六朝俱大業可能一姓百年無

十里春波畫舫輕萋華嬰娜半餘生慰情小作湖山

主解穢權當雅頌聲人似雁鴻隨去住花分蠻越競

陰晴民勞婦歎經年事有像於今見太平秦淮畫舫時已漸復

舊觀

荒蔓纍纍烈士墳爭先戰血濺紅裙歸元原軫猶生

面共往汪童竟死羣天為薦馨荷萬柄地臨地經邱

首樹重雲昨宵聽斷黃花雨謂黃一樣瀟瀟不忍聞

弔粵軍諸烈士墓墓在莫愁湖畔

臨流一閣矗晴霓烏榜猶然大字題四壁看山無向

背數椽支水自東西江天合待人豪坐今古誰當物

論齊遺照肅清獨不語夜來春雨漲前溪

莫愁湖上曾公閣閣

額七字曰江天小閣坐人豪七字原為姚惜抱詩公生平喜讀是句閣成門人許振禕題為閣額民軍初

起公名頗遭疑謗是閣則至今無恙

誓取高名不顧身身亡名亦等灰塵青山有地收遺

骨白手封侯見幾人欲賦大招魂一慰為傳小史事

難真多情十字留高碣生氣常扶出莽榛

雨花臺畔遺塚數十

具亦民軍死事諸人墓但皆不知姓名為紅十字會所掩埋者

少日卽聞儒殆亡不圖諱出踞宮牆豈真文字來天

譴孰若詩書竟壁藏三月浴風遊寂寂百官美富去

堂堂及今尙可收餘燼博士急望告太常

兵燹之餘  
文廟有燬

於火者

燕子春來故尙肥六朝景物未全非過江名士塵幾

柄終古皇輿棋一圍往事風流惱鶯鳴諸郎才縱憶

淮淝尋常百姓無能語小立街頭看落暉

烏衣巷爲  
王謝舊居

巷口蕭條已一無所見惟  
尺餘橫木大書巷名而已

建節高城如建瓴河山勝概況成形映門淮水千年

綠繞郭鍾陵一點青未信戎衣堪再試時聞戰血有

餘腥夷吾江左今猶健迴首東南舊翰屏時河間馮公以上將

軍都督  
江蘇

### 金陵覽古十首

消息天涯綠又齊六朝風物總萋萋兩三漁艇槳雙

打五萬春花鳩一啼家散舊巢王謝燕客聞中夜祖

劉雞可憐王氣鍾江表草草興亡送馬蹄六朝江左為六朝



偏安之地草草  
興亡大亦相似

秦自秦于炀王諱自山河

秦世之

何處黃龍好霸圖  
麒麟門外帝陵孤  
洛陽青蓋春三

月天璽赤文漢九都堪歎  
利風兵建業記會偃月鳴

濡須仲謀兒子非豚犬  
奚遇阿童力已輸

孫吳 吳大帝陵舊

在麒麟門外吳主皓  
以庚子歲三月亡

天亡戰罪兩悠悠  
九里山光爛不收  
雲氣未隨芒碭

去潮聲直捲秣陵秋  
回看書劍真芻狗  
不信衣冠竟

沐猴何物老嫗白  
帝子路旁有似說興劉

項王 江北九里山

為項羽舊用兵處

劍氣橫空逼冶城傾城國色勝言兵  
鳴夷浪底憂吳

沼羅綺風前紀越平楊柳春坊迷舊字  
蛟龍晴日起

澄泓傷心已事屬鏤賜老至猶聞溺  
笑聲句吳 金陵城內治

城山為吳王夫差舊鑄劍處山旁劍池猶存

鑿淮疏水秦皇業從此歌船盪綠波  
依樣美人爭佼

好蕭條異代幾干戈風雲潛邸僧皇覺  
花月春江帝

奈何何與自家各自事千秋王氣自山阿  
秦始皇 秦淮之鑿

始皇用望氣者  
言以洩王氣

楊吳辛苦築三門大好石城又虎蹲誰謂螟生欺羸  
似竟同燕子啄龍孫生生世世王妃怨雨雨風風帝

子魂可有二分無賴月故宮鐵樹照黃昏

楊吳楊  
吳據有江

南後為徐溫養子知誥所篡知誥女為太子璉妃志  
日願生生世世莫作有情之物行密子孫盡為知誥  
子環所殺鐵樹宮行  
密故宮也在揚州

新聲入破下雲翹恨已來遲醉更邀一代風流還後

主千秋佳麗屬南朝濃薰芳蕊花中幕痛飲蚶蜆夜

半潮輸與東風春未了碧凝紅澗可憐宵

南唐 南唐後主周

蛾皇善製新聲所製詞有恨來遲破邀醉舞破又為小周后花中起亭幕以紅羅備極奢麗蚻蛟磯為汪

台符沉死處韓熙載詞桃李不須誇爛漫已輸了東風一半謂時已失淮南各地也

鬼臉城高擬鬼工男兒長髮此稱雄十年將相王侯

夢百戰湖山烟水叢頰壤漫糊春夜雨黃旗高擁繡

幢風人間何處真天國笑煞耕田賣履翁

洪楊 洪楊之亂據

金陵為偽都號太平天國會文正設法招降偽翼王石達開報以詩有日醴泉芝草無根脈劉裕當年田

舍翁裕未遇時常耕田賣履

一統規模接漢唐真人九五奮滁陽布衣糗餌中宮

表鍊券勛名異姓王天界寺鐘冠履肅淳泥國幣子

孫將從知天日無私照神畧獨歸駕馭長

明太祖  
明祖以馬

上得天下定鼎後即詔修元史於天界寺高啟詩曰  
萬履隨鐘集千燈入鏡流天界寺修史時詩也淳泥  
國王來朝在永樂年間死於南京遂葬焉  
張士誠被執謂太祖曰天日照爾不照我

亭亭孤影立蒼煙形勝周觀憶往年分土舊惟江介

險借才誰更武鄉先半山鴟脰高張處十廟雞聲欲

曙天小有一峯容駐馬風雲擁護夕陽邊

諸葛武侯  
金陵城

內有諸葛武侯駐馬坡相傳武侯長駐馬於此周觀金陵形勝

金陵城上聞鐘

客中風物正茫然何處鐘樓破晚煙零落餘音百八

杵興亡往事二千年幾曾古渡留泥馬見說臺城放

紙鳶朝市變遷須莫問萬山無語落花前

讀書種子寧當絕

祠廟三楹尙典型

燕師南下僧道衍密啟勿殺孝

孺殺之則讀書種子絕矣異世共瞻容肅穆大倫敢以說調停魂

來月黯江頭雨人去風高木末亭

正學葬處

蘭芷信芳終

棄穢懷疑吾欲問青冥

登鍾山最高峯

再無峯處我為峯來瞰東南秀萬重頓覺胸中盡邱

壑不知腳底幾蛇龍夕陽烟樹明雙鳥小閣江天挂

一筇何處晚鐘空際落劃然聲震四山松

古掃葉樓

上元人龔賢築賢遭明季之亂轉徙江北各地後仍歸上元結宇清涼山

上自號掃葉山人又嘗自貌掃葉僧像一僮一帚隨其後

古有掃葉人其數掃葉之樓亦千古風霜歲歲磨不  
壞花月重重逆可觀遙空蒼狗幾白雲斜日觚棱照  
秋宇斯樓當猶未起時山上秋深葉尺五但亦此山  
差清涼此外更無乾淨土大江西來濯其足天闕南  
值咸其輔萬事人間一掃葉三楹小築真吾處當日  
誰與此晏坐乾坤羈寄湖山主傳聞掃葉一山人掃  
葉兒童今能語山人生不逢明盛六十小劫疾風雨  
歸來掃葉適其時禹稷經綸安所許日恒掃葉惟其



志欲掃劫灰無寸縷一樓今古已巋然佳麗東南畢

收耳覽者第或感於斯未知良工心獨苦迴光經誦

一千聲雞鳴鐘動百八杵

迴光雞鳴金陵城內兩寺名

請君試看

掃葉圖一帚一僮此初祖

然不掃葉僧像題詞

抱帚日掃葉尙多此一帚儻並帚亦無不能並無手

地與吾骨成風與氣相紐徧觀吾血骸水火皆吾友

虛空此四大殺列爲六九

佛經以地水火風爲四既大易象以六九別陰陽

成象成形孰辨跟辨肘榮名寶萬禩金石固不朽紛  
然一葉耳何獨特悠久天地仁萬物有時皆芻狗迅  
如一掃葉吾帚猶恐後山人知此意問之但肯首默  
然不一答待汝自解剖葉既不能無掃亦隨所有有  
時帚偶閒山童負之走

一于胭脂井

八林

請採梅香

請採梅香

六代風烟如幻影未隨烟銷惟一井我來弔古亦須  
與春光奚問誰管領由來天下好家居撞壤織兒不

知省最奇尤物本天生抱日雙星復示警當年三閣  
起連雲誰最風流擅宮省天上神仙不自家兵家弱  
女初得請玉樹後庭花競發紅綃澹墨詞獨騁井上  
胭脂今不消當年歷盡繁華境胡爲乎後人行樂猶  
前昔獨哀江南如哀郢祇今烟雨空溟濛西風井上  
高梧冷一樓恨不及景陽金缸壁帶傳李璟鷓鴣不  
識前朝辱猶復時來窺秋綆玉容兀自怨韓擒誓語  
偏思報高頗何怪紅糧纔入雞臺夢移時龍舟綵樹

江都幸

韓擒虎唐書因  
避諱但書韓擒

雞鳴寺望後湖

諸天渾一色畢影倒層樓水碧開僧眼山青上佛頭  
靜如尊者對清似氣之秋不礙歸來晚憑軒且少留

莫愁湖

古無莫愁魂卽有此湖水湖以莫愁名愁轉因湖生  
莫愁果無愁湖水應不流湖水流終古莫愁愁更苦  
深深烟雨迷楊柳鬱金堂上一樽酒倚檻方招莫愁

魂全湖已落武寧手武寧功業炳千秋當年亦有苻

娘愁苻娘不爲愁終死莫愁愁豈無閒休湖田百頃

君王賜湖上僅留莫愁字到今勝棋亦祇一樓存英

雄兒女均如寄

湖上有武寧王勝棋樓與鬱金堂中分一廳各南北向相傳明太祖與武

寧奕允勝棋則以湖田爲賜後果如言苻娘武寧王  
造室也武寧無子而王妃如甚因置苻娘於莫愁湖  
一日王妃聞之怒而往而苻娘先已遠避  
矣事聞太祖重譴妃而以苻娘爲王妃

自莫愁湖往尋桃葉渡至則一水東西側近城

隅惟於水旁大書地名而已

東尋桃葉渡西望莫愁湖兩豔不并世遺迹胡亦殊  
莫愁有肖影桃葉無遺圖一樣秦淮水不照雙明姝  
莫愁一去堂猶在桃葉不歸渡卻無欲問桃花花曰  
呼役夫吾家妹子豈爭此區區人生天地間何一非  
寄廬但留千載名不滅一木一花孰亮瑜

明故宮遺址

飛藿彫萬景枯邱壘一狀華屋猶興嗟矧爲皇居壯  
古人規宏遠儉陋原弗尙如何好自爲風雨終埋葬

緬維洪武初基建宅初相燕雀湖平填錦繡坊屹向

九陞辰居所千官肅立仗戍申曆初頌洪武元年甲頌戊申曆

申事已愴明亡於甲申金陵帝者都一姓不再王猶日彼

逸誕憲典失垂剏明祖真天人海內威稜抗會極歸

有極千人萬人上今我此來遊兵戈已再創宮宇一

不存花月無舊樣某殿某階祀且思且尋訪列雉尙

成圍並馬如走壙遺烈三百年歧予一再望惟見午

朝門鴟烏蹲相餉民國初元金陵再劫故宮已一片瓦礫所餘者惟午朝門及舊日皇

城而

五色石歌  
即雨花臺畔之瑪瑙石也因購斯石感賦

媧皇鍊石勤補天石以五色神其傳今胡見者猶是

物百枚論價不百錢投好偶依人為重非時孰信生

之難質有其文中通理章而非的色相宜偶與提挈

二三子是誰鍾毓五百年塊也礫也見所見盆之池

之仙乎仙  
石在手了無異觀貯盆池中則水雲縹渺悠然意遠自奪人好多贗

鼎珍奇乃逾埋蒼烟  
雨花臺石貯水不臭惟色紋稍淡色豔者來自江北售者多偽



稱雨花  
臺石

風塵而外偶真賞得之亦祇多一拳我撫此  
石重歎息良材大用今古懸天開於子地闢丑東南  
西北缺不全地有其寶出不愛天乃借才得斡旋當  
年使竟無此石風雲叱詫嗟徒然璀璨晶瑩未改舊

幾時零落歸人間蒼蒼者色圓其體近來天已無缺  
殘石兮石兮安所出抑胡不閱窮山巔積可韞璞猶  
完填海寃銜精衛鳥成橋辱著始皇鞭皦皦者汗嶢  
嶢缺今世已非盤古前圮橋長跼吁可怪襄陽下拜

狂非顛石兮石兮無自棄壺中九華水清漣

種菜行

詠明開平王  
孫常延齡事

鴉鋤頭上鴉有聲鴉鴉勸我作春耕眼前菜花風已

過菜田種菜菜苗晴最暖惟布衣最香惟菜莖成都

八百桑株好湖孰半畝菜畦平食菜有餘味種菜有

餘情庾郎不貧鮓甘品蒼谷有菜春一坪

王孫自號  
蒼谷有湖

孰種前王開國功第一王孫種菜田不名非種鋤必

菜圖去胸有息鼓掩旗十萬兵越畔防宜早口無激昂論

事期期爭

王孫遇事敢言始以露章  
劾阮大鍼忤權臣意去職

割取鍾山青一

片菜傭賣菜識先生秋來果羸熟歲晚葵藿烹君不

見種瓜青門外早日掛冠東武城又不見種豆南山

下潛居栗里逃淵明

黃山谷詩淵明無由逃

男簞笠妻布荆

王孫

妻徐氏躬操井日荆布不完

但無菜園羊踏破一家永住菜花棚

臺城行

青絲白馬壽陽來十萬功德換不回可憐此身三捨

同秦寺荷荷不救臺城灾漏因小結人天果達摩西

來見示頗臺城淨居終不悟折蘆北去

淨居梁武帝所居殿名達摩嘗語武帝曰小果有漏之因帝終不悟乃折蘆渡江北

少林寺面臺城舊址景陽基景陽而後井復

南朝遺史半荒逸蕭家乃失大悲與大慈淒迷

烟撲地我來弔古一嗟異惟梁雅亦修儒術今

臺獨遺飯鬼事臺城山腹今猶有淵通金海三十卷

史卷六百墳與典六朝美俗屬元嘉惟梁天監良亦

規宏遠史稱梁武帝博通多學撰孔廟既興鬻序纂

通史六百卷金海三十卷

三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

博士祭酒行分遣華陽高隱山中相雲門弟子經明

選太子更有讀書臺吏才廣植儲賢館卽今文采已

銷沉人胡徒曰佞佛佞佛蕭王衍佛法廣大廣不計

由旬我佛自我無二身君不聞永寧浮圖起百丈餓

寒旋乃與身瀕

北齊胡太后佞佛起永寧寺浮圖高九十九丈旋爲臣下元乂等幽於北

宮再臨朝後竟以沉死

又不聞瓊樓紺宇湘宮寺再傳國祚已

胥淪

宋明帝起湘宮寺作大功德繼世蒼梧汝陰皆弑國亦遂亡

太平門外修陵

物石頭辟邪夾廣路含情欲問臺城史兩日向人如

泣如慕如怨猶如訴

修陵梁武帝陵也今不知所在太平門外石辟邪二相傳為修

陵故物

春日泛大明湖歸後作

髮照明湖菜心洗明湖水泛舟周一湖湖光携袖底

歸來靜摹擬一一紋旋指最好古厯亭中流翼飛起

古厯下亭在湖水中心據全湖之勝為游人必至之地

自亭而東北高閣北辰

倚北極閣

極西又兩亭遠勢如角犄

極西兩亭一日小滄浪一日覺漚分

據湖西偏南北兩岸

即此足娛嬉西子西湖比况復祠紺碧雲

山圍邈迤

湖四周祠宇林立最著者為鐵公會公張公李公各祠

我甫江南來

邱壑滿行李招我此來遊王劉張三子

王君蔭軒劉君尊光張君

資剛放棹甫東行好音忽過耳如曰滄浪清來自湖西

只又尋歌之意如曰水瀾瀾水底有奇觀千佛千歡

喜非其時不見澄泓晴日裏歌聲如我詔三子說猶

此

湖極西偏所謂小滄浪者相傳是處水極深每風日極清時能於水底窺見千佛山影實則山在城南去城尚

若千里

時方二三月春物夷猶始返棹東而西風

隨吾帆靡一舸遊未終全湖俯在邇未勻柳色黃初

茁蒲芽紫照眼水鱗鱗對面石齒齒濟南名勝多俊

遊夙所企千年杜甫笠雙腳李白履

天寶四載李杜二公同遊歷下

有江海平生思舟楫重疊理棲影今爾室繫情猶中

止清景不急摹一失千萬里我屋小如舟我懷清不

滓詩以懸壁上補作卧遊史

明孝陵二首

賸有松楸尙鬱葱陵巒佳氣未全空浮天遠勢西南  
水捲地長號東北風萬子萬孫殷薦始惟天惟日照



臨中萬子萬孫劉基對明太祖語張士誠而今徧已

秋瓜種猶誦豐碑仰治隆陵有碑曰治隆唐宋清康熙帝御筆也

家事何人誤乃公允臧猶記卜空同多年玉板龜生

翼孝陵初建掘地得玉龜十飛去其九大字銀牌鹿養茸陵舊有松十萬長生鹿千

鹿有銀牌曰棘枳半叢原廟樹架裝一桁鼎湖弓風

前月裏猶如聽十萬松陰泣蓼蟲

瞻明太祖遺像神輿靈韻鳳采龍章

猶似深叢獵虎貌英光奕奕殿堂基詩自堂每從香

案肅瞻地為想伽藍問卜時祥祿一清菩薩綫指揮

前定武寧棋傳呼奚待神靈語鳳采龍章像已奇常遇

春未遇時假寐田間夢神人呼曰主君來  
醒而太祖適至陶安謂太祖龍姿鳳質

再過明故宮二首

殘照西風瓦礫叢誰家宮宇舊嵒嵒再傳已灑亡人

淚內寢偏多佐命功短短荳苗土階綠斑斑苔暈蝕

牆紅何須王氣終三百燕影歸來殿已空

北渚聞招帝子魂思宗殉國江南好夢尙重溫弘光荒淫南京血

彈花影新桃扇望斷宮車舊史墩長夜有人供笑樂

卑田無淚哭乾坤

明亡時有丐者投死南京百川橋下留詩日三百年來養士朝如何

文武盡皆逃網常留在卑田院乞丐羞存命一條

傷心最是福王一

天啟七福王一

明季謠語也

春事匆匆了舊痕

詠明史絕句九首

帝家如願住蕪城帝子魂猶慰九京陵土一抔松十

萬銀牌仙鹿也長生

孝陵

開國功臣寵賜園大功坊第祉便蕃潛龍舊邸何堪

住稠疊君恩喻不言

為中王改築第宅事

誰遣妖星入禁宮宮花迤邐照顏紅知秋惟有一桐

葉秋至偏驚葉葉風

閩妃事

詒謀珍重一袈裟別樣宮裁問內家是否舊僧皇覺

寺傳燈生恐子孫差

建文遜國事

澹粉輕烟十六樓東南佳麗一齊收年年花訊風三

月祇解春寒不解愁

十六樓官妓

雄才自古喜遴才士果懷才禍已胎總說九重恩遇

重後先含笑入泉臺

宋濂劉基藍玉傳有德諸人遇害事

命不猶人不自憐錦衣千戶競朝天九泉但慰君王

寂勝似長門閉鎖年

朝天女戶

青宮何事樂為君祇為中朝儲舊聞齋慄夔夔生事

已孝陵東畔泣秋墳

懿文太子驚悸發病事

高飛燕影入皇畿病虎同來況正饑從此說留瓜蔓

抄歛獻先已摘瓜稀

靖難師

宋明帝

十級浮圖費莫論宣陽西望月黃昏君王受祉湘宮

寺白到臣家江謚門

宋宣陽門人呼日白門帝深惡之右丞江謚偶觸忌諱帝變色

日白汝

家門

再遊鍾山

山能悅我我非山過我嶽崎似我頑夜半但無人負

去峯高何礙日追攀主賓迭互不一語雲雨興作無

少閒悅使愚公愚可借量移歸置畫屏間

客金陵遇寒二首

連日風吹雪蕭條百不堪氣來絕塞北人在大江南  
酒至思多又薪高價倍三舊寒無此甚微聽巷街談  
旭日短垣東重裘老屋中移牀頻近火開戶喜添風  
江南地氣溫暖冬日寒甚往往開戶取暖余試之果然 詫語聞龜鶴歡顏失僕

僮篋衣搜欲盡北客亦忡忡

和王紫珊龔家橋僦居二首

不接芳華不湫塵城居偏與鷺鷗鄰橫斜宅畔一橋  
影來去江南二月春未信山林真誤我早知幽仄有

垂綸冬青滿地昔誰主是否當年掃葉人

院多冬青上元人龔

賢自號掃

葉山人

壺隱巢居事有無但為人境即堪廬奚須樂水方言

知便想移山不礙愚地有三弓留世外天垂一角下

庭隅早知拔浪魚潛處九萬圖南異搶榆

與聶默齋景陽樓話茗二首

佳麗東南數芳香琲璫樹往來千古事談笑兩人心

花影通芳樂

齊東昏侯改闕武堂為芳樂苑

鐘聲寂定林

定林寺大鐘二相傳



卽景陽鐘也

似聞蟲鳥話門外柳陰陰

門外柳陰陰臺城舊蹟尋卅年功德果  
孤悶森毛孔浮生響轂音危欄方共倚雲物去來今

文章丁巳九月同人禊集皆桐城先生之門弟子也

谷君九峯出冊子索題賦七律二首

握手花間笑一場倒呼明月駐秋光  
十年風雨尋泥爪兩鬢霜華幻海桑燈火  
弟兄無客席江山簿領有詩囊  
驅人世事無終了且盡今歡醉羽觴

憶昨同遊大匠門，蟲魚爾雅訂朝昏。  
塵容抗走今無狀，花事蹒跚舊有痕。  
人過西州懷舊傳，天留春草待王孫。  
傳聞東海平填好，何日重招帝女魂。

贈趙湘颿卽用其次徐相國韵二首

文章趙子伯異世，起衰微冀野空羣。  
出昌黎汲古歸藿藜，秋後味蓬華道中微。  
坐對一室久終慚，面目非太沖機莫勝。  
相颿自名其居曰太沖莫勝之室仰企力終微，舊案螢  
枯死空山鶴唳歸，無絃琴有趣在璞玉生微。  
更欲三

年學從君問是非

讀徐相國贈趙湘颿韵復次二首書士巽言

餘事託吟詠神明喻在微  
高歌青眼對宰相白衣歸  
草奏能知馬柯亭試爲徽  
文章交有道寵辱說全非  
左衽吾能免人思管仲微  
自聞司馬相猶記遠夷歸  
世路成榛莽人才繫繹微  
東山如再起一洗世間非

光皇戊午十月十日

陽懷仁堂觀禮

揖讓唐虞世

新舊總統是日交代

趨蹌岳牧行禮成元帥府人

拜大勳章

大總統兼為陸海軍  
大元帥佩大勳章

海宇思文治江聲頌

武皇輝煌旗五色新政待宣揚

懷仁堂觀禮感言三首

山收再賦一詩世間非

責任無旁貸元元付託辰五年今上日

大總統任大  
期五年

政重平民世局完全創人權賦予均欽哉僉日往

往欽

哉民國國會各  
總統受任文語

時議正趨新

青眼樓案昨白本

七載平民治真猶歷塊過野遺風漢少書上罪言多

天巧為奇變人痴望太和瘡痍寧共忍祇待息干戈

此地儀鸞肅

堂為前儀鸞殿舊址

當年仗馬馴遂稱天日表自

有帝王真文思唐堯聖祇承夏禹神禮成興俛仰堂

已署懷仁

對典京寓地僻因旁有廢圃修治習菽樹事成五律

谷址無七首

此地猶人境經年滯客魂幸携家數口閒似步荒村

木老悲黃落庭懸懍素殮一廛容可借天地亦深恩

有井能容汲匪田借可鋤畧逢農事樂誰此昔年居

吾廬詩和  
槐覆中庭滿葵高一丈餘俊遊吾未暇飛搶笑奚如  
屋角震西東蕭蕭戰晚風聲音庭樹急感想旅人同  
石破天終罅星回歲有窮早知霜信肅一雁報秋空  
若性耽孤僻無堪懶漫成鬢從今歲禿眼爲異書明  
篋典朝衣盡門關客屐生空山意獨往十資不公卿  
小圃經營日當窗綠不除名王孫種菜天隱子蔬茹  
有地能藏拙庸言更取餘自家真意思趁與自家居  
有客衣冠古羣疑面目生優遊臣市井息補帝髡黥

琴有無絃趣書多掩卷情閒窗一迴首秋朵萬花明  
過眼人今古悠悠付此邦困眠足布被渴飲倒春江  
敢信狂猶肆寧知福與雙似聞冠蓋里隨意住榮龐

小景書案假寐

仰天似聽陳搏笑側席微聞李泌徵婢子侍旁疑竊

竊謂胡午案睡曹騰

世世擬古六首

萬疾趨躬至年少亦醜老萬事憂叢脞網維已俶擾

國於天地間新猷齊頌禱陰陽一或疑孔瘡百不療  
世當肇造初猶兒在襁褓拊畜好自爲壽考乃克造  
劇變起蕭牆聖心憂悄悄况始言民治羣愚已驚倒  
見駝言腫背謂虎胡繫爪人人孟仲季家家韓魏趙  
不見成周時共和治已肇猶日彼其時王出不在鎬  
更觀周孚先旦奭平格保時不言共和公替不聞鳥  
治本無古今成以亂者少鬼神無可疑雨風恒自拗  
用郭功甫老  
人十拗語  
如何沈與駘曠林日征討



橫眉兩織婦停織方勃谿問其家何處太平洋之西  
家資累百萬始乃爲人犧主人今大覺自理財與貲  
奈已安已飽詬誅乃隨之始猶優而謗繼乃搏不疑  
問所爭何事小僅帚及箕大或爲田宅中亦一粟絲  
嗟哉兩織婦不念艱難時東階老益益今已棄如遺  
始纔餽粥是租稅人所飴君看百年內故宇幾留貽  
鬼哭某里第狐崇某臺池詢其禍所由大抵乖與睽  
放聲白紵詠抱蔓黃瓜詞娣姒中宵詈昆季明朝離

吾廬言利

卷

郭家姑不啞王氏叔寧癡  
萬事無定方用罔乃終吝貽誤已千載取快恒一慙  
觸藩有羝羊罽駕非真駿武怒當大恥牛瘠或豚儂  
終卽多所獲君子亦必慎退谷無激湍勇爵不白刃  
誠見古達者瓦全寧玉豐棖慾焉得剛牧怯非真鈍  
在輿參於前如驂之有靳諒哉匹夫勇惑矣一朝忿  
五帝官天下三王傳之家官家已異勢私已其萌芽  
浸而五霸假強弱乃相牙然猶說仁義古道淪未賒

立乎今之世去吾見之汗

汗讀窪用孟子

時乎已放誕胡若

古疵瑕人禽初未判古亦爭所差平旦爭夜氣曠野

爭桑麻爭之於水火爭之於龍蛇今胡爭猶是變本

厲且加積藏猶龜玉戈荷已蟲沙雄邊驅子弟

李德裕置

雄邊子弟

外宅託萌葭

田承嗣有外宅兒男

吞噬三日虎蠻觸一角

蝸達者觀世變君子思重華世久無湯武明知舜堯

遐慮惟沉浩劫頌禱詞非夸殺機肅宇內獨客思天

涯半生猗玕子十月陳濤斜庶幾歌登邁無為徒咄

嗟

農力終朕畝小人惟望歲一或歲不登憂甚罹烽燧  
今歲旱無雨龜兆坼田背旣雨農方喜劇變乃復至  
天地有殺機康屯無利器逆使天地仁偶亦窮於事  
最不堪思者布禍民已細民不兵不國兵集民無地  
若旱望雲霓東征西怨暨恐亦飾詞耳未必實堪紀  
民生今九載無歲不兵悻槍彈酷無情芻藁峙必備  
仁義師猶爾何堪逢暴戾草屋兩三間瓦盆中上食

朝供飛輓勤暮拜鋒鏑賜康哉擊壤叟耕鑿安何自  
尺鯉願深潛永世不一躍冥鴻思遠舉庶幾忘繒繳  
人而不如鳥畧亦知魚樂大宇胡恢恢天網密猶絡  
西方有一國其海曰漚覺其主曰空王其人曰無著  
有弟曰天親無著天親兩釋者名王摩詰詩曰無著天親弟與兄其俗無鬪格  
高樹淮南雞明月揚州鶴昔讀遊仙詩怪其遊無薄  
又讀思立賦怪其思索莫今日紅塵裏邈與殊雲壑  
起信說大乘我力不自度頗聞人海住無若靈山託

世間可笑事急始抱佛脚但爲佛爲屠正無今無昨  
誕登彼道岸先聲此木鐸如是者我聞業緣皆自作  
一念亦泥犁一念亦般若

京寓海棠盛開一夜風摧花盡落晨起悵而有

作

落紅滿地堆深院指眼凌晨驚乍見飄蕭一夜海棠  
春怪底鶯聲啼不斷東楚綢繆星在天向夕方欣見  
此粲誰謂主人敬愛花封十八姨妬已悍天生尤物

本移人世有花福誰預算

清異錄天下有九福洛陽花福其一也

紅雲

一朵氤氲使

天上有繾綣司氤氲大使亦見清異錄

綠章再疏通明殿

未開先擬錦成圍已落猶誇粧半面大都餘事屬詩

人豈真厚愛邀天眷由來北地苦春寒開到此花三

月半縱復一枝春一國

元遣山詩海棠一枝春一國

那禁千葉風

千片迴思一事獨難遣玉妃隔戶人初喚

頤和園

庚申

西風夜聽銅人語苦恨繁華不如古髣髴西北錦樹

園園樹千重花萬堵海山世界不滄桑草木文章猶

機杼四十餘年一仰俯

園之盛衰與清孝欽后終始其初起也為備辨萬壽典禮

孝欽歷同光兩朝再垂簾每年夏駐驛園中

別館離宮此其數巍巍殿閣

起排雲勝逐昆明習戰艫

園正殿日排雲殿湖日昆明一殿之成用海軍費銀

二千萬兩爾日君權世方重女中更有堯舜主湖山奠麗

已高下風日指揮異寒暑九重簾幙撤復垂異貴墳

簾宮換羽問寢雞鳴鳳輦隨頤年鶴禁兕觥舉天上

妖星忽燄張猶幸園神職右序

庚子拳匪之變京師繁盛之區焚燬特甚



園以在京城西北幸得無恙圓明暢春兩園初未

災時咸豐帝忽夢園神辭職醒而惡之乃大為祈禳

并寵加園神封號未數月英法聯軍入京兩園俱燬卻憶先皇昔避虜咸豐九年駕幸

熱河中宮策畫孰神武暢春圓明俱瓦礫弓髯驚墮

灤水滄是時憂患方交乘烏啄大屋城穴鼠毋念直

父穴復陶謬說成王辰負斧寶龜幸不新室投麋鹿

終防鄭囿取脫無萬歲千秋計恐嗟我在亦無補是

英法聯軍入京師帝幸熱河旋崩於行在傳聞某某

王大臣頗有不軌之心矯託先帝遺詔為贊襄輔政

大臣并謀自后手竄取玉璽計未得行旋於梓宮皇

天無親德惟輔河山依舊歸重撫觸目不忘野樹煙  
 傷心惟欠花時陽金谷平泉尚怡悅水嬉過錦猶歌  
 舞樂不可輟危不忘好我者來惡者去解穢傳宣花  
 奴裝極娛掩抑龜茲譜歲進不用減俸錢臺成勿亟  
 起累土海上仙人不解事截蛟伐鼉作戰鼓億萬萬  
 錢連歲輸中產十家一布縷甲午中東之役及庚子聯軍入京事迴看  
 獅石醒眼怒氣吞太行猶三五拜雲殿門外有大石二題曰獅石不  
 知天下今誰家老傍門前卧秋雨寂寞揚州月二分

蕭條白下鐘千杵由來一代興亡際幽徑埋花砌生  
黍翠微羅幕晚風涼玉壽金蓮夜香炷一樣芳華俱  
泯滅無邊風月孰延佇往日霓旌此駐扈萬歲齊呼  
聲按部園本萬壽山地介福已喜王母來分香更有宮娥侶  
弄漪含風朝槿榮向陽回面秋葵旅前後盛衰纔幾  
時嗟嗟銅人應共覩

天賦擬李太白戰城南

昔日戰鞘與刀今日戰銃與礮兩軍相見一彈遺一

彈之威百鬼踟輪臺人自舞沙場君莫笑軍行六月  
天如火天狗行空聲似墮朝攻暮不歸汗出巾猶裹  
前路茫茫起白波軍人指曰是卽古走桑乾所謂無  
定河紛紛奈此攻殺何軍人聽曰是卽古詠大梁所  
謂夷門歌走城北望城南城南殺氣方驕愍敵人殺  
已盡閭閻不可問嗚呼城南一隅用兵已如此海內  
何堪戰伐頻年聲未已

苦戰行

壬戌

由來一分興古烈幽對聖芬幽

母抱兒妻隨夫倉皇奔走循路隅老父東來聲喘吁  
路隅相遇驚相問各道苦爲兵火驅吾儕昨夜方安  
居訇轟忽聽礮聲俱礮聲殷地連天麤老羸驚竄不  
及扶么女賊啼兒夜呼出門惘惘回且狙火光飛照  
鄰家廡兩軍相見不須與屋瓦橫飛墻竇窬草荑平  
地樹檠株言者詞未畢聽者色已瞿謂吾相去百餘  
里禍至乃似一不殊臨風方共立欻歔礮聲又起如  
連珠登高各望吾屋廬煙漲塵埋不可區不知遺棄

誰家孤但見隔路呦呦啼幼雛痛向長天一大呼茫  
茫天意果何如吾儕門戶繩掘樞平昔不見戈與及  
今欲出門求暫蘇四瞻一概子遺無顏色慘變吾妻  
孥恤不及人且自逋天寒飢腸轉輓轡出未晨雞日  
今晡殺氣猶高十丈餘東胡走西胡趨  
寺在北京西直門外  
携兒子以謬遊五塔寺  
謬兒昨晚歸謂尋五塔寺今余携之往寺已委平地  
巋然五塔影一臺猶表異建立始何年抗墜不一勢

頗疑峯五老照影此其二壺中又九華夜半失其四  
憶當甫來時且行且延企村隙一角窺林端數尖閣  
兒行導我前亂叢撥棘槭京師冠蓋里遨遊盛車騎  
去此一鳴牛來者無附驥余初頗已疑且往適吾意

今卽塔僅存幢蓋臨郊次觀與白雲接聲聞大鐘肆

白雲觀在五塔寺南大鐘寺在其北各距數里皆遊人常至之地長空秋籟答落影

晚霞帔我欲凌絕頂一寫青雲思周覽鼇四維挾入

鳥雙背兒忽報我云塔磴茨塗暨

塔門忽於昨日經土人用泥塗封閉

未知  
何故

自香山暮歸道上作絕句六首

癸亥

巖下夕陽積巖上飛鳥墮好山看未足去留兩無可  
我行已十里山影猶相送不知歸路遠但覺山意重  
我影導我前影更長於我迴首西南月斜照出巖朵  
隔林望城邑林密城不見時有暮鐘聲搖曳來郊甸  
玉泉水味好過此轉自失素無挈瓶智曷愈消渴疾  
萬籟皆歸聲衆動無去影猶是來時路蒼烟一萬頃



重修貫華閣爲楊味雲先生作七律二首

貫華閣上一樽酒幾日從容醉裏過輪奐載瞻新氣

象光儀想見舊山阿康乾老宿巾袍古蘇太煙雲牖

戶多不有味公眞好事撫摩奈此舊基何

閣在無錫惠山久燬

於火味雲先生復修築之清康熙乾隆時諸老輩相約讀書其中如杜雲川詔高若黎躍龍孫文靖爾準皆先後以科第名臣顯其結詩文社於此者尤不可勝紀惠山南面太湖山盡處與蘇州府界

東南美盡主兼賓老去松苓二百春

山出茯苓閣之前爲松苓泉

今日閣成圖再稿

閣之復起劉君石香先爲作圖圖未成劉君故去後圖吳君觀岱作

當年梯去月重輪

顧梁汾與成容若為忘年交閣上去梯玩月最為是問韻事

風

流側帽投壺客

梁汾為側帽投壺圖容若題詞結云後身緣恐結他生裏然諾重君須記

都人傳寫殆徧於時教坊歌曲無不知有側帽詞者

寂寞撫琴執卷人

閣圖煙嵐萬疊

閣中人二一

迢遞後先相望意一庵忍草與鮮新

忍草

庵與閣

毗連

傷亂五首

乙丑

豐潤亂我年時方四十二淒涼往事不堪說欲竟不

言詞難閱當日苦我本外兵始亂則為義和團所成

團匪胡竟熾扶清滅洋乃其幟

當日義和團旗幟為扶清滅洋

卒乃

清祚僅未殄外兵從此乃大肆唐山去遵化豐潤當

其衝時余適官豐潤學全家數口皆相從外兵駐唐

山每赴遵化去去則必經豐潤城城中變色人相語

今日追思福如天始憂離亂終生全方當外兵麇至

日禍我與否知誰先豐潤官實好為民慮患防獨早

外兵每至一地知其初習義和團也忌之尤深

豐潤則以縣令盧君木齋厲禁於前保全獨大民則

每聞外兵至驚惶避匿無老小我居冷署亦官守妻

孥顧我不獨走强至再三始暫避外兵已來驕施施

淒涼往事誠難論初避某鄉再某村至再猶可復三

四其日況逢癸甲與辛壬

時余有子雙生爲避難之故當日幾產於路頗

憶乘輿當日已蒙塵吾儕辛苦復誰嗔嗚呼吾儕辛

苦復誰嗔猶曰義和團眾非齊民

京國亂我生年已五十三是年民國方肇造政已革

新亂未戡時流侈口談民治實則民生擾擾無東南

輦轂尊嚴地國軍尤重寄奈何異變起倉猝衛吾民

者轉民厲

民國甫定亂機四伏時以某鎮兵駐京師之齊化關突於是年正月十二日夜譁變

城內街市

大被焚掠我時飯後逍遙街市旁突看行者返走居

者避藏倉皇閉市賈與商須臾火光紅四起槍聲礮

聲紛雜裏翌日哄聞衢巷傳九城華庶埋塵烟方吾

聞變始吾亦飛步急歸吾居止閉門屏吾息繞院旋

吾趾但聞牆外殺奪聲不敢隔牆偶一視天安門外

昨提燈千人萬人呼且膺中華萬歲民國萬歲革命

軍萬歲千萬歲九衢如貫復如繩爾時頗聞祝者祝

懼者自懼如弗勝事後追維事始急咸謂患由某軍

兵不戢吾儕細民會其適猶幸飽受虛驚禍未及鳴

呼飽受虛驚禍未及猶日中華民國時初立

濟南亂余年五十有七方初度共和誕育五週年帝

制復活真天數

時余需次濟南聞有帝制復活之說某國人利用時機每於夜間在城內

拋擲炸彈以震駭居民又暗助某某槍械使自青島來攻居民大駭

子是日哭則不歌

相春可奈鄰歌何我有居鄰東海東喜聽西鄰姑啞

聾勃僊暗或助其婦稱貸明乃強其翁

某國又日謀攫取山東利

權並強租借  
某某等地

濟南地與東鄰邇海陸交通魚鹽美去

歲我來需次始即聞竈鼎有人思染指我國帝不帝

皆為蕭牆計乃公偶為豎子誤秦事不勞越人涕不

知所往驚皆走一夜居民厲伯有鬼色悲人挾社狐

雷聲墮地殷天狗

某國暗助某某等襲擊  
濟南又日以謠言惑眾

汶水湯湯

灤水靜魚龍先去逃無影西南萬里已烽烟

雲南反  
對帝制

事庭院咫尺皆陷井小儒手無一寸柄急火燒心愁

滅頂罔兩出沒不可知日夜望吾國人知自警嗚乎

國人果因知自警此猶共和帝制交戰之深幸

天津亂我又全家數口始此寄我問我年不自知但

記我去豐潤今又踰年二十四祇此二十四年中四

經傷亂皆大事今年天津亂所遇境尤危

今年直軍與國民軍

戰天津余居距戰線才三數里

余居雖幸免於難余心今尙不能夷

全家居介河東北戰聲日日河西湄彈飛如雨血流

若糜屋近矢及牆短人甂然猶人人私祝僅如此尙

如默佑有神祇最不堪聞者戰退最不可當者兵潰



最不易免者劫奪災最不及防者槍刀隊天意茫茫  
測難可謂終不仁亦不果前日眾心所疑懼今胡一  
一來於左聞窗往事一沉吟痛定思痛痛逾深不惟  
天津今此戰南強北盛干戈何日不重尋嗚乎干戈  
何日不重尋此果歸之於人心歸之於天心  
我入民國十四年每思吾少也賤足悠然閑閑十畝  
躬田園民德偶失餽與乾咸謂世風不如前如今閱  
世老益頑始歎少日優游自在天吾國初君治今乃

易而民民治精神祇自治干戈爭攘何紛紛萬代谷

陵此世變制無一惡無一善幾多罪惡假汝行西人

恒為自由歎西哲有言自由自由天下茫茫禹域民

所疆十四年來已戰場更登五嶽四邊望吾遑傷吾

所自傷眾論百口小虞唐民生十室九痍瘡目巧之

室起復圯議者恒憂未徹底徹底之說良足喜翁離

趾中漢鏡吾方擬又或憂日未底法徒法亦恐行則

踏不見近世口頭皆民意兩字已造恒河劫吾今傷

吾生忘罪乃言世世或疑我無病呻人又安有不哀  
涕安危一身事終細大創深憂天地閉昨宵夢入古  
鴻濛時乎樂哉世無衡斗無書契

題趙幼梅社長藏齋詩集

入山恐不深入林恐不密不爲山林誤夫也寧能必  
世閱五百年名才始一出出而善其藏天意寧不恤  
吾友趙藏齋以藏名其室士盡巖穴老孰復河嶽秩  
及讀藏齋詩吟哦方未畢滿月逢三五甘泉飲六一

休異官谷三

司空圖退休王官谷有三宜休文

逸亦竹林七藏之時

義大吟抱纜容膝乃知烟霞癖未叶幽人吉東山豈

佞者徒以固為疾遂使微生畝且疑且究詰迢迢二

千載今日復何日平平陸地沉蕩蕩高城漆魯齊一

不變蕭曹兩已失埒殷天自大

莊子埒大之殷也

月望馬亡

匹舍用而言藏藏齋豈暇逸特使蓬茅久吾欲造物

質

安欲一良事絲絲大陰彩夏天此閑非宵夢人古

丁卯七月嚴範孫社長携野餐招赴八里臺為

泛舟之遊遊者共十六人以綠林野屋落日

氣清脫巾獨步時聞鳥聲分韻得野字

烟水縠東西葦荇沿上下載吾形以舟化余神爲馬  
時有村童來問客何爲者客亦不自知但覺襟懷灑  
此生日憂患世味禾百把惟茲物外遊我觴復我學  
陸機蓴可羹陳陶魚可鮓二者皆我欲肯學子輿舍  
日御已高春風迴不飄瓦地偏來已熱味深知者寡  
回首招村童簑笠容吾假故人五月裘故山二年櫂

庶幾愚溪愚敢笑野人野

管洛聲先生邀集同人於所住之觀稼園爲真

率會并具酒食分韻得留字成排律二十韻

爾汝形全忘鶯花老未羞光儀韓尉接飢怒呂安調  
憶昨聞聲想時思入夢求歆原名競附高國業難傳

先生初官東  
省勸業道

折柬催今雨開園集勝流主人良厚意

八月正中秋牖華筵啟追陪禊事修山陰餘後感  
洛社繼前休飛壁聯珠玉登盤具陸舟鮮鱗來海上

生菜出林陬隔座詩傳草分曹韻送鬪食如施氏飽

美自大巫收前日門初過探懷刺欲投軒車遲未返

野墅望先周

余久耳先生名初未一見前泛舟八里臺時過門投刺適先生因事他出徘徊

於園外者久之

海墘連星宿墻垣衛虎隼

園以竹木籬為墻古謂竹木籬為虎

落隼墻案隼牛名即犛牛也

地疑迴剡水人待識荊州神劍終能

合頭風眩已瘳彩雲遲北苑大月借南樓西穫懷陶

令東鄰卜許由長生今有訣天與木瓢留

寄吳北江即用其喜姚慎思見過韵

海運識鯤鵬村眼矜社臘百里不宿春兩屐何須蠟  
爰居遊海外不聞聲鞵鞞更饗以太牢奚殊雞肋嚼  
古人窮一經白頭氣蕭颯天地秋毫隔方寸萬山沓  
憶余甫冠時小技崑崙襍得侍桐城師目張口不嚼  
師顧矜其愚覺牖萬千而今更讀君詩枯摧朽如拉  
證以師所云萬有恣凌蹋導江岷峨始極天華峰插  
乃知佛七寶合尖終一塔迴首四十年風氣殊瞬霎  
奔躑張若馬暗鳴杜荀鴨天壤有至文垢污容藏納



狂不三日醒  
嚙似中宵魘  
閉門吾獨居  
但吾牛羊茁  
顧之已自怡  
何必雞豚察  
蕭蕭竹萬竿  
江邊青待殺  
綆信退之汲  
骨憑少陵刮  
顧違師席久  
蓬纓失澡刷  
韓杜當吾前  
執筆窺齷齪  
青雲如可附  
州九遊其八

水經注州有九而遊其八

### 題華石斧所著文字系

石斧名學涑天津人著述甚夥其文字系一書

自敘曰吾國文字無一貫統系學之綦難因運科學之方法審古文之迹象定明確之條理分別部居綱舉目張務期有便學子云云書凡十五卷

物生孳乳盈天地別子繼別出有自文字亦何獨不

然系之則為儒者事使人盡為識字氓千字平民課

已備熊君秉三倡辦社會教育編有平民千字課一書甚為時賢所激賞彼擇其要此

傳統一樣功德垂後裔經文四十萬有三一字各有

一真義使非類別而部居有如竄逐人羈寄物各有

象象有滋萬生於三三生二又如花葉各相承枝條

蔓衍文理細皇初制字知其然後人習字失其意先

生一與為董理石斧著有董理文字之我見一書為文字系發凡事不盡為

平民計九州之外更九州五霸可六三王四然必其  
國文字存國以日新乃日熾頗聞兩漢試士法吏才  
要識九千字時亦寶書來異國倉聖所傳追勿替章  
草何以易真書八分何以割篆隸存古惟不泥於古  
變例乃適合於例一堂之構有階庀一衣之成有襲  
積解惟探乎叔重先釋無取乎德明繼吾知吾國是  
書出懸之國門字不易

贈梅叟

胡君浩如字秀璋別號梅叟去歲爲余  
畫大本梅花奉酬以詩茲觀舊稿復以

長句  
賦贈

先生畫梅梅在手賤子賦梅梅在口口角未必有春  
風春生指下真梅叟梅花與人無遠近領畧豈復別  
誰某玉奴終不負東昏青鳥何緣侍王母適然而花  
適而畫便入吾詩亦其偶拚將性命與花期破盡工  
夫爲梅守孰探未始有花前又孰問及無花後昔者  
子祀與子輿相視而笑乃真友藐若處子姑射仙下  
視百物皆塵垢送寒不待土爲牛順時奚事人烹狗

翛然絕俗梅叟梅吾乃因得詩一首梅果花耶果畫

耶吾詩豈足為妍醜畫奇奚疑花在筆句拙真如柳

生肘君偏愛詩我愛畫解醒不用梅花酒

四民月令  
元日酌梅

花酒  
卻老

戊辰上巳王君竹林宅禊飲分韻得畢字

三十有三人

是日讌後攝影  
共三十三人

三月初三日高會結吟

朋禊飲乘韶律借問主者誰人如逸少逸昔讀逸少

文慨欲逸少質今去逸少遠乃入逸少室古人風流

晉永和今日共和年十七時為民國十七年中間相去千餘

歲風流殊與符一一具區分楚越一物為鴻乙後視

今猶今視昔古人豈必今人軼即如塹塔銘君家先

德臨池筆今日焚香一展視唐賢敬客如復出是日竹林

出其尊人硯農先生所臨塹塔銘相示且以影印本徧送諸同人春光澹沲春風櫛

眾客雍雍筵秩秩洛濱傳山陰匹更喜一觴復一詠

及茲九門春未畢

題趙大年湖山雪意圖為馬詩癯仲瑩兄弟作

畫石能畫骨醜石亦成妍寫雪及雪意無雪亦蕭然  
大年貴公子胸有好湖山春花爛熳不挂眼獨喜遙  
空雪舞意瀾漫淡山之淡淡其性愚溪胡愚愚乃天

天空雲四面山光明滅有無間木落冰千樹湖色微

茫澹澗前樵初罷釣已寒客曰此真雪意也胡乃得

之於毫巔大年天質異小幅亦稱賢放眼豈惟五百

里撐胸應有萬千篇

大年畫喜作小幅有戲謂其寫景不出五百里者山谷初見其

畫謂使胸中有數百卷書當不愧文與可後則大爲激賞

沙沙昨夜聒不眠風聲

敲凍雨聲乾灞橋驢背剡溪船雪初雪後意無邊此  
畫到今幾流傳此境孰與爭後先可否更以瘦石供  
點綴此意仍須問大年小詞亦蘇黃效與豈非五百  
年再題趙大年湖山雪意圖此真雪意也時以餘  
玉妃從東皇其數恒及萬東皇不我與玉妃終眷眷  
化而爲玉龍每戲必以戰戰則請相從雪飛花片片  
何處湖山好人言趙家倩倩每弄姿色川原皆素練  
其姊有織女迢迢隔天漢織女喜織錦大素非所願



封家十八姨來恒二月半姨亦錦繡腹遇素必爲絢  
但每過玉妃必驅玉龍玩湖山一千里四邊雲岸岸  
晚來天欲雪畫稿清思浣迴首謝封姨玉妃一再喚  
仰視天河星織女前宵暗髮鬢意而子白鳳騎雲畔  
明滅山有無周圍湖隱見意而子曰咨會作西方變

歷代名畫記謂佛畫  
爲西方變此借用

擬杜工部五古四首

病柏

埋馬資做帷埋狗資做蓋物苟猶可用用亦與時會

苦李生獨完甘棠思勿拜豈以新甫材一病譬已壞

詩譬彼壤木厦傾不能支天地憂方大梁棟足於斯井邑

忍言改堂堂十八公風雨庇無外是固常無病病亦

不在內支離僅其形棄遺已堪怪豈尙不及他微物

猶多賴

病橘

江淮有病叟太息知何爲謂有奴千頭味本勝檀梨

去年半未收公私兩失宜家纔數丁口甌無萬穀皮

租稅胡以納食用胡以支

原詩兩押枝韻茲特易一

今年橘皮好

每值晚風吹黃金秋一點紅袖春千姿

黃山谷索金橘詩欲依紅

袖醉

那堪蟲又蠹滿樹失光輝揚州昔包貢納錫惟

其時今則常稅外溢濫惟所司哀哀橘籍人

述異記越人歲

納橘稅者名隸橘籍

忍饑攀故枝催稅復到門何以解此悲

枯櫻

造物有生氣櫻欄得十九視彼徑寸莖此物真不朽

禪旁取於先，猿杙隨其後。場圃餘檟棘，栝椽賊杞柳。  
由來軍興時，所用惟所取。物即藏而固，鄉非無何有。  
蘊茲十抱文，豔於眾心久。伐者祇自伐，守亦為人守。  
嗟哉椶櫚樹，慨焉牛馬走。庇而縱斧尋，生不如稂莠。

楓與栝，枯枿。大盡離，櫛夫。大戰，豈。此皆。以。實。際。驗。也。

晉用楚材多，梗枿胡弗記。雲日乍相干，籐籬亦得意。

莫謂此樹枯，枯亦一天地。長生不自生，老子天地所以長且久者

以其不自生，故能長生。生意乃真萃，根含二五精。枝亘秋冬氣。

萇楚沃於隰本無家室思蔦蘿施而上豈猶松柏志  
再拜輪囷姿一灑英雄淚世不爲巨室此材不可易  
榮枯忽無憑么細胡不畏

不  
如  
温

傳勇取於德... 其後... 惟所取物... 即... 無何有...  
 由來... 時所用... 惟所取物... 即... 無何有...  
 德... 文... 兼... 心... 久... 伏... 者... 祇... 自... 我... 亦... 為... 人... 守...  
 榮... 林... 忽... 無... 恐... 之... 臨... 臨... 不... 畏... 雲... 日... 全... 相... 干... 餘... 亦... 得...  
 再... 我... 鍾... 困... 交... 一... 屬... 英... 華... 氣... 世... 不... 為... 日... 室... 壯... 林... 不... 何... 息...  
 莫... 螢... 飛... 欲... 歸... 本... 然... 寒... 室... 思... 蕪... 蕪... 滅... 而... 上... 豈... 離... 林... 能... 志...

悅

臨

溫

先叔芝邨公篤嗜詩學游蹤所至輒成吟詠歷時旣  
久存稿亦多朋輩屢勸付梓以公同好公欲然未之  
應也民國十九年吳君辟疆搜集同門詩文將以彙  
刊時公年老家居乃手鈔一冊都百七十九首寄交  
吳君採錄以莊請以原冊另刊專本公覆書允諾王  
君紫珊見之謂公某某詩久爲同人所激賞而冊中  
均未載刪削未免過嚴因思公鈔此冊原備吳君採  
入同門詩文集當非謂生平詩稿可存者祇此數也

方擬函請增益而公已卒於里第遺稿雖存未敢以  
淺識妄加乃就原冊分爲上下二卷上卷自肄業冀  
州至東光縣任皆公五十以前之作下卷自南游金  
陵至僑居天津皆公五十以後之作按年編次不分  
體裁庶公一生經歷亦畧可於此考見焉校刊旣竟  
謹附數語於後民國二十一年壬申冬月姪以莊識

入行蘇亦多暇輩與備什料以公同我公始然未之  
夫味芝油公前以詩學裁繼以筆陣如劍霜飄舞



溫州府 國 公 館

通志市圖